

LOU GALETOU

Directi, redaci, administraci : 21, ruo d'Aisso, Limoges :: Téléphone 58.46

Troisième année - Limerò 11
lou limerò : Die sôs (no veï per mei)
Abounamen : un écu de 5 francs

DECEMBRE 1937

" Per debargâ lous Lemouzis "



Photo Jové

Qu'ei dins no vieillo galefiero qu'un fai lous meillours galefous :

Veiqui lo pâto dau galeto de **Decembre** :

LOU PECHA CAPITAU	JEAN RESIEN	LAS BOUNAS FEITAS	LUXENNO DE PLAT
BOTISTO EN AVIOUN	LOU VIEI MAREU	LOU VOULEUR VOULA	FRANCEI
MO RICHESSO (chansou)	JOSÉ MOZERRAU	QUI DEU PADI	MAURISSOU
LAS POULAS DAU TOUNTOUN	E. RUCHAUD	LOU LIMERO GAGNAN	BAEGOMIAT
LO VITO D'UN PORC	NAZ DE LIRO	PER VENI VIEI	JACBOUEI

A NOTREIS ABOUNAS

Quant v'autreis verrez sur vôtre journâu un cachet bleu que dit : **VOTRE ABONNEMENT FINIT AVEC CE NUMERO**, ne perdez pas de tem, mettez 10 timbreis de 10 sôs dins n'envelopo e votro adresso e ranvouyâ lou tout au Directour dau "GALETOU", 21, rue d'Aixe, Limoges, o be refusâ lou journâu.

**L'Armana dau Galetou per 1938 ei belomen preile.
O siro denquero pus plasen que queû d'antan.
Preparâ voire ecu de 4 francs (4 fr. 60 per lo posto).
Et n'attendez pas au daref momen per lou damandâ !**

LOU PECHA CAPITAU

Lo Ritou que se coufessâvo
Aguet d'abord deigûssela
So grosso bleto de pechas.
D'un viro-mo co fuguet fa.
L'avio tout dit, re ne manquavo,
Nou mas, beleu, ce que jamais
No fillo ne counto a so maî.

Mas lou cure que l'eicoûtavo
Li disset : « Qu'ei deja chaba ?
» Tu deveis n'en vei oblida.
» Te counesse, teito legeiro ;
» Aûve parlâ lous lingagers
» Deipei que tu fâs lo bargeiro
» Tu ne gardas pas sans barger.
» Per iô dire tu n'en as vounto ;
» Veşe que lo mino te mounto,
» Ane, mo pito, vaû t'aidâ :

» Tous lous mandis tu vas gardâ,
» Et tu ne seïs pas dins lo Prado
» Que Francei, queu saûto-levâdo,
» Ei countre te. Tu li risei,
» Tu te senteis lou cuer aisei.
» O fai lou flognard, ô t'embrasso,
» Et sous poutous te semblen bouns.
» Mas tant vai lo gerlo a lo fount
» Qu'uno bouno ve lo se casso,
» Lo se casso — o be se rempli —
» Mo paubro drollo, penso-li !

» Et surtout prens gardo, bargeiro,
» Que lou grand demoun Lucifer
» N'ei pas toujours dins soun enfer.
» O t'agâcho sur lo fôgeiro
» O t'entraûpo dins lous brujaûs,
» Et de queu tem so mo legeiro
» Dins toun pouchou de davantieiro
» Cougno lou pecha capitaû ! »

Lo malhurouso n'en tremblâvo.
Lo baïssêt sous oueis de velours
Ente flambo lou fio d'amour,

Et faguet : « Qu'ei vrai, i'oblidavo ;
» O m'o bailla quauqueis poutous,
» O m'o chatinglia lous retoûs,
» Mas lou boun Di, que nous veû tous.
» Ne vô gro lo mort d'uno fillo
» Per no si pito pecadillo. »

— « Lou boun Di auro coumpassi.
» Mas si tu voueis l'absoluci
» Faut tout me dire. Prens courage,
» Fais me no bouno coufessi.
» Après lous poutous iô m'eimâge
» Que Francei fasio l'eifrounta.
» Ritou tu m'as pas tout counta ! »

— « Si vous disio que lous countâvo
» Tous lous poutous qu'o me baillâvo,
» Moun paî vous ne me creurias pas.
» Aimâvo mier, sans me vantâ
» Et sans vous dire de meisounjo,
» Lous sabouri que lous countâ !
» De mous pechas lo listo ei lounjo,
» Ne m'en fasez pas dire maïs,
» N'ai deja prou sur lo coussinço,
» Et re que de pensâ, moun paî,
» A quis poutous... perde passinço ! »

— « Penso-li, per te repenti,
» Et dijo-me tout sans menti,
» Si tu voueis eïssei pardounado.
» Maïfio-te, mo paubro Ritou,
» Lou boun Di so tout et veû tout ! »

O cresio be lo vei tropâdo,
Mas lo Ritou qu'ei plo rusâdo
Disset : « Moun paî vous vous troumpâs.
» Lou boun Di ne iô saubro pas.
» Dins quel essart impôrissable,
» Negre coumo lou crô dau diable,
» Ente Francei m'o caressa,
» Jamais lou boun Di n'o passa ! »

JEAN REBIER.

Cilas

CAMUS, 4, Boulevard Louis-Blanc (Tél. 59-89)

nio tout ce que fan per lous amatoûrs de T. S. F.

En soun G. M. R. un auro tout, un coumpren tout, lou
francei maî lou patonei.

Lo Mili avio balia rendez-vous diomen à 3 heures dins lous
bos, au Grand Jeantou de lo Lando. Lou Grand Jeantou ribet
trop tard, lo Mili erio partido. Co li orio pâ arriha, ai ô vio ga
no moutro de chaz

Martial LABOUDIE, 13, Rue Darnet - LIMOGES
un daus meillours relogers de lo ville.

BEVEZ LOUS NUVEUS
SODAS LAPLAGNE

Pur sucre - Digestifs - Rafraîchissants

Queu grand hiver vai be tât commença ! Co n'ei pas
lou momen de serti en d'umo pito verto ecoudissado. Faut vite
nâ chaz

Paul DUMONT, Tailleur

13, boulevard Victor-Hugo

LIMOGES

commandâ un gros pardessus bien chaud V'autreis sirez servi
d'abord et billas comme daus ministreis.

Botista en avioun

Un mandî, lou pai Botisto, un viei journaliei que restavo a Feitia, se disse, en visan n'avioun que dovolavo se posâ :
« Ne vole pâ mûri sei vei mounta sur quello mochino. N'en
auve parlâ tou lou ten ; lou chan d'aviaci ei ô beu pe de châ
nou ; vese qui gran ôseu voulà dô mandî a l'ensei e muririo
sei vei mounta dessus ? Co sirio no vounto. D'abor sai ôneite
e boun crétien. Sai segur, a lo fi de mo vito de nâ ô ceu ;
mâ co deu fâ caucore de quitâ lo tèro ; vole cissoya avan per
veire coumo co fai quant-un mounto en l'er. »

O n'en parle pâ a so fennô, l'erio enchiprouso e l'ôrio
be trouba cauqu'encheizou per enpeichâ soun ôme de coun-
tentâ soun envio. Justomen, lou lendemo, un vengue li dire
que soun pai, que restavo a Boueissei, erio molaude e lo fojo
domandâ. Lo partigue d'obor.

Botisto pense que qu'erio lou momen de se tira d'ouï.
O se bille di sou obî de nôço, prengue no chopino, un bouci
de po e de lâ lissâ dî un poniei (ô pensavo n'en vei per lo
journado) e ô partigue.

Riba sur lou chan d'aviaci, ô tounbe nâ â nâ aveique un
de sou ancien meitrei, moussur Flanbar, un riche proupei-
târi dô Perigor qu'erio caucore di l'administraci de l'er.

— Te ! qu'ei vou, Botisto ? Que diable venei-vou fâ eici ?
Ei co per prenei lou botime de l'er ?

— Neigro, Moussur, qu'ei pâ per me fâ botisâ que
sai vengu. Ai seissant' an possa e gn'io lounten que sai nâ
a l'eigleijo per lo prumieiro ve sur lou brâ de mo meirino.

O li esplique alor ce quô erio vengu fâ.

— Vou a gu no boun' eideyo, li disse moussur Flanbar,
en risen. Co tounbo bien, deve eizominâ quello mochino qui
venen d'omenâ ; vou vou vâ metre a couta de me.

Quei Botisto qu'erio fier de mounta aveique soun ancien
meitre ! Moussur Flanbar fogue sinne a d'un garçou dô chan
d'aviaci que place Botisto dî l'avioun e l'êtâche de pô qu'ô
tounbesso. Lou viei ne vougue re sobei per leissâ soun poniei
qu'ô cougne entre sâ chanbâ. Moussur Flanbar se mete dovan
se. Lou pilôto monte a soun tour. L'avioun coulène beleu
cinquante meitrei e coumence de mountâ.

I ne vian pâ voulà demio lego que Botisto disse a Mous-
sur Flanbar :

— Chôplâ, Moussur, fosei reitâ lo machino.

— De que ? Vou cresei que lou avioun se reiten entau
di l'er ?

— Eibe lou prumiei plai que vou trouborei, foudro me
reitâ.

— Mâ, moun paubre Botisto, vous sobei be que gn'io pâ
de plai ni mai d'aubrei dî l'er. Qu'ei aco que vou pren ?

— Vole tounbâ de l'aigo... e beleu fâ aurei, sou vôtre
respe.

— Foullo vou eizina avan de mountâ. Un n'ô pâ eideyo
de co !

— Qu'ei vôtro mochino que m'ô deboueira lou budeu.

— Qu'ei beleu l'eichapomen dô gaz que vou o fâ mau ?

— N'ai gro eichopa de gaz. Sai eitocha sur moun selou
que ne pode soulomen pu petâ (ercusa-me). Mâ seate que vau
tounbâ molaude si me retene denguerô.

Moussur Flanbar se fojo dô meichan san e rencuravo de
vei fâ mounta queu viei coueinar. A queu momen ô deiviro lo
teito e se pren lou nâ.

— Qu'ei beleu lâ lissâ que vou sentei, Moussur, di Bo-
tisto ?

— Ah ! crese putô que qu'ei lou vignou que sente. Mâ i
deven eisse modur quiqui.

Moussur Flanbar coumande lou pilôto que fogue fâ de-
miei tour a l'avioun per tourna sur lou chan. Aquî un deitache
lou pai Botisto que vougue remercha soun ancien meitre, mâ
queuqui, tou-t-en coulêro, li disse :

— Nâ vou-z-en, nâ, viei pudignou, e que co cho lo dar-
nieiro ve que vou metei lou pei eici.

Moun Botisto s'en ne teito basso en marmusan :

— Eibe i tournoran m'en parlâ dô avioun. Si co marchô
entau quan mountorai veire lou boun Di, jomai ne choborai de
ribâ !

LOU VIEI MARSAU.

Las liquours las pus finas, lous aperitifs lous pus sabourous, lou rhum JAMA, qu'un pelo lou « chasso-grippe », lo
FEUILLANTINE, lou ROYALET (aperitif fraissas et framboiseis), lou ROYALS (cacao et vanille) se trouben chaz

LAFARGE-REBOUL, 14, Avenue Emile-Labussière

Quant un ei bien chaussa un ei aisei et beucop pus fier.
Las meillours chaussuras et las pus bravas qu'ei be las

Chaussures BOURDEAU

4. rue Pennevayre — LIMOGES

Nas lis per essaya, vautreis sei segur de li tourna !

Tout lon moude ne pouden pas essei fâ au moude. Mas qui que sount gros o be un pau trop envierlas faran bien de nâ chaz LACROIX. Quant is n'en sertiraus is s'iran drets coumo un i et fiers coumo Artaban. Dins lous Etablissomens Lacroix un troubo touto sorto de bandages et aussi de las ceinturas per tenei lo rantelo dau ventre. Adressas-vous se crainto a LACROIX FRERES, 28. rue du Consulat, Limoges. Tel. 36-15. Qu'ei no meijou qu'o mai de cent ans d'existenco !

MO RICHELSSO

Air : De l'eau et du vin.

I

Quan oribei sur tèro
Ero nu e cheiti,
Jomai pû lo misèro
N'ò quita lou piti.
Noungro jomai l'eisanço
N'ò de moun eizistanço
Oduoci un momen !
Pertan di l'olegresso
Ai possa mo jônesso
Sei vei ôcun turmen (bis).

II

O defau de fourtuno
Ce que me ran uroû,
Qu'ei de fâ per mo bruno
Dô couplei sobouroû.
Loû coumpôse, loû chante,
Eitopau iô me vante
De sobei eichopâ
O l'ofrouso tristesso
Que guido lo richesso,
L'argen ne me plâ pâ (bis).

III

Quan iô sai di l'eisino,
Qu'ai gâgna cauque sô,
Vau beure mo chopino,
Sai fier coum' un cinsô.
Oqui chante lo jôyo,
Si l'or n'en pâyo l'ôyo
Ne manque gro de re...
Lou riche o teito nauto
Creirio vei fâ no fauto
Ch'ô èro au cobore (bis).

IV

Aim' ôci lo fôgeiro,
Souven ô bor d'un bouei
Vau prei d'uno bargeiro
Jugâ de moun ôbouei.
Si sei peino replico
L'eicoûto mo musico,
Qu'encourâjo moun cœur...
Li chante l'omouretto,
Li rocoute fleurette,
Sai toujours soun vainqueur (bis).

V

Chante ôci lo noturo
Sur vin sujei diver,
Lo cholour, lo frejuro,
Loû aubrei toujours ver.
Loû ôzeu, lo coudretto,
Loû ri, lo pâquoretto
Loû prâ, loû bouei, loû cham !
Lo frucho si merveille,
Loû rosin prei lo treillo ;
Tou-t-inspiro mou chan (bis).

VI

Chantâ, qu'ei mo deviso,
Pan fugue moun peiri,
Oci mo goliardiso
N'ò gro jomai tori.
Sur lou bor de mo toumbo
(Sabe que tou sucumbo)
Chantorai denguerâ...
O l'ei de mo fomillo
Si cauquo larmo brillo !
Defendrai de purâ. (bis).

VII

Vei qui, di lo deitresso,
Coumo iô sai uroû !
O que boun lo richesso,
Lo ren tro desiroû ;
Fô que l'ôme s'eizerce
Per fâ cauque coumerce
Quan lo l'ò enchanta !
Me, brâve lo coquette,
Bève mo chopineto,
Qu'ei per me lo santa (bis).

José MOZOBRAU. de Soulegna.

Quelo chansou ei tirado de LA LIMOUSINA, libre emprima che M. DUCOURTIEU

Joneis garçons a borbo fino, vieis a coudeno en pau redo, jônas fillas, fennas; tous, si v'autreis vôlei esse fiers et fâ plasei a veire, nâ vous fâ rasa et frisa chaz

ALFRED & GINETTE SALON DE COIFFURE

63. rue de Bellac, Limoges

ALFRED rafraichiro vôtres jôtas, co siro un velours ! Logento GINETTO, en soun appareil GALLIA, foro daus indéfrisableis per 50 francs !

Qu'ei un trobal parfait !

- Dijo, Tiennissou, tu seis be trop fier depei cauque tem. Per moun armo, t'as rajenni ! Qu'as-tu doune fa ?
 — Viso mas dens l..
 — Be sount las bravas, t'erā tout berche pertant ?
 — Plo, mā iai na veire Moussnr

Robert BEYRAND, 38, Place des Bancs, Limoges

Ei co douba co, drôle !

Lou vouleur voula

Lou viei Peirassou de Viroviolo avio dins so coumodo un billet de millo francs.

Lous vouleurs passerent dins lou village : is masseren per qui, per lai, cauqueis billeis de cent francs et cauquas peças que las fennas aviant laissa dins lous tiroirs.

Is ne rentrerent pas chaz Peirassou, mā lou viei aguēt bien pô, ô mettet soun billet dins no boueitio en fer et l'enterret dins soun varjer entre las racinas d'un gros poumier.

De tem en tem, a raso de net, ô navo veire soun trésor.

Soun vesi, lou gran Fayou, lou viguet fā, tras lou plai. Sitô lou viei coueijā ô sautet dins lou varjer, chavet en sas mā, prenguet lou billet et tournet enterra lo boueitio.

Lou lendemo, lou paubre Peirassou cujet se trouba māu quant ô se viguet voula.

Mā ô ne disset re et passet so nei a carculā coumo ô pourrio trouba lou vouleur.

Do plan cop ô suçounet Fayou.

En se levant ô courguet chaz soun vesi et li disset d'un air tout rejôvi :

— Dijo, Fayou, vene te damanda un counsei.

— Qu'ei a co ? Peirassou.

— Vei qui, io avio un billeil de millo francs, l'ai cata dins un coin, ente degu ne pourro lou trouba. N'en ai n'autre, ne sabe pas si fô lou mettre coumo lou prumiei, o be si fô chercha n'autro cachetto.

— Si qu'ero me, disset Fayou, lous metrio ensemble.

— Merci, Fayou, qu'ero moun edeio, mā sai counten de veire que tu sei de moun avi.

Dins lo journado, Peirassou barret so porto en cliau et filet dau biai de lo Chavaillo.

Fayou n'en prouffitet per tourna mettre lous millo francs dins lo boueitio, pensan tout prenei quand lou viei orio pourta l'autre billet.

« Queto nei, lous massarai tous dous », se dijio-t-eu en se fretant las mas.

Lou viei Peirassou tournet après soulei coueija. Ô attendet un momen, entret dins soun varjer et, sei fā de bru, deterrēt lo boueitio, l'empourtet et mettet a lo plaço un brave eitroun.

Fayou, cata darei no roundreniero lou viguet rentra chaz se, ô courguet deterrā lou magot, pensan massa dous billeis de millo francs...

O ne troubet ma no...

FRANCEI.

QUI DIEU PARDI

Dau tem que mo grando vivio, n'io plo mā de seisantans, co parei que toutas las fennas de notre paï fagueren n'assemblado per na trouba loun boun Di et li damandā de ne pus suffri per vei lous pitits.

Lou Boun Di, qu'ei toujours preite a fā plasei ô paubre moude leur repoundet :

— Vole be, mā qui padiro ?

— Lou paï, pardi, qu'ei be soun tour !

— Entendu, n'ā aûtreis-en tranquillā.

Cauquei jours apreï, lo Nardi de Chaz Galet qu'eicas-sounavo coumo soun home din lo peço de las Coumbas, disset :

— Jantou, vai te coueijā, io creset que ne vaü pas tardā a trouba lou menaje que nous atenden.

Jantou mettet soun tren sur soun epanlo, tornet a lo meijou, beguet un boun veire de vi per se baillā dau courage et se mettet dins soun liet en se damandant ce que n'avo li ribā.

Dins lo net, lo Nardi troubet un gente menaje, mo fe, sei senti no doulour et sei baillā no credado.

L'ero bien countento et lou Jantou, que n'avio re senti noun pu, ero tout rejôvi.

Mas lou grand Lionar de Courdelas que tarsavo darei lou bos, s'avio trouba mau tout d'un cop. Fpuguet lou pourta dins soun liet et o avio creda soun ventre touto lo net. O n'aguēt ma dau soulajomen quan lou pitit de lo Nardi fuguet nācu.

Tous lous veïis agueren lo memo pensado. Paubre Jantou !

Mas las fennas fagueren n'autro assemblado, et lo Nardi en teïto, tourneren trouba lou Boun Di :

Seignour, disseren-las, n'aimen mier garda la doulour per nous. Tourna io mettre coumo qu'ero.

Entaü lou Boun Di faguet e co n'en o toujours segu.

MAURISSOU.



Drollās que cherchā un galant, mettez no roso au mitan de votre parpai. Quand lou galant siro trouba, mettez-lo ô colita.
 Mas fau chôzi no bravo roso, que sente bonn et ue s'effeuille pas d'abord.
 Vous n'en troubarez en touto sasou chaz

GERMANEAUD, 20, faubourg des Arènes, LIMOGES

Un li trobo de tout per fā de braveis cadeaux : Bravas lampas electricas, mountadas sur porcelaino de Tharaud, notre grand artiste lemouzi, daus pitis lustreis, daus posteis de T. S. F. et tant d'autras bravas besugnas. Et fau veire lous prix !!!

Un piti magasin, que van lo peino d'essei connegu, ve de se-mounta au limero 20, dau faubourg de l'Oreno. Ce se pelo :

“ TOUT POUR L'ÉLECTRICITÉ ”

Un li trobo, au meillour prix, lampas, ampoulas, lustres. Un li trobo aussi daus postes de T. S. F. que chanten coumo daus rouissimôs, daus toupis per mettre las flours, daus saladous, mas quelas quittas ecuellas ventrudras entre lo soupo ei si sabourrouso.

Rentrâ-li tout ei brave, boun et boun marchâ. Vous n'en sertirez pas sans fâ quanco pito empleto.

Las poulâs dau tountoun

Guillen ei resta viei garçou.
 O-t-eu gu tor obe rasou ?
 Qu'ei pâ moun ofâ de iô dire.
 Ne sei mâ qui per vou fâ rire.
 Ce qu'ei segur, qu'ei que Guillen
 Din lo vito pren dô boun ten.
 O dir que co baillo courage,
 Qu'un ei mai voillen a l'oubrage
 Quand un pren de lo distraci...
 Sei no fenno per fâ sâ si !
 Per lou poutou, chacu devino
 Que sei peno, Guillen s'esisino.
 Mâ vou vâ veire que Tistou
 Ne iô devine pâ dô tout !
 Tistou ? Qu'eri(o) un gente menage,
 Lou pû fi de tout lou village.
 O vio chiei an, de beû piau bloun,
 Et Guillen erio soun tountoun.
 Un diomen, penden lo veillado,
 Guillen, que vio fa no virado
 Deich' a Paris, en delezei,
 N'en racountavo loû plasei.
 Tistou, din un coin, s'amusavo,
 Mâ, sei n'en vei l'air, ecoutavo.
 Ce que l'interesse lou mai
 Qu'ei quand Guillen disse : « Li o lai,
 » Din queu Paris, iô n'en repounde,
 » La pû belâ poulâ dô mounde.
 » Coueije coum' eila chaco ne !
 » D'y pensâ n'en perde lo le !
 » Segur lâ valen lou vouyage !
 » Que co cho si loin, qu'ei doumage.
 » Ma, moun armo, l'y tournorai
 » N'autro ve, sitôt que pourrai !..
 » Cotissou, versâ-me a beure :
 » Ne sei pâ gori de mo feure ! »
 Et i rijan ! Et i rijan !
 Lou gomin n'en fogue autant.
 Lei doun, so mai, un pau ountouso,
 Prengue so figuro seriouso.
 Et disse : « Se fai tard, Tistou,
 » Vai te coueijâ, mon beletou ! »

Tistou ne fogue pâ lo mino,
 Et s'en one de lo cuisino.
 Mâ, pû tard, quand lou veillodour
 Neren se coueijâ a lur tour,
 I ne trouberen pâ lou drôle.
 « Soun lie n'ei pâ defa, qu'ei drole,
 » Ent'ei-teu ? » disse lo Coti.
 Ei lo crede : « Tistou ! Pitti !
 » Sei-tu cocha ? Sei-tu defôro ?
 » Vaque vite. No vieillo vôro
 » Se permemo din lou couder :
 » Lo te menorio din d'Enfer ! »
 No pito vou reipounde, fièro :
 « Lo ne me prendro pâ dengero.
 » Sai très bien ! Vou einouyâ pâ :
 » Sei coueija coumo lâ poulâ ! »

E. RUCHAUD.

Lo vito d'un porc

Un jour, un riche peisan venguet a mourî. Qu'ero n'hôme
 qu'avio toujours saubû fâ sous affâs et ô ne perde pas de tem :
 O fuguet d'abord riba a lo porto dau paradis.

— Tu voucis beleû rentrâ ? disse sen Pierre.

— Oui, boun sen Pierre, et crese li vei touz lous drets !

— Et mas paubre ! Que diable as-tu fâ sur lo terro per n'en
 eissei si segur ?

— Laissez me vous dire : N'ai jamais fâ de tort a degu.
 Quant avio fam minjavo, quant avio se bevio, quant erio braca
 me posâvo. N'ei-co pas lo vito d'un sen ?

— Ah be ! disse sen Pierre, qu'ei lo vito d'un porc !

NAZ-DE-LIRO.

Las bounas feitas

Lou piti Pierre de chaz Pouloundaû ei rempli d'eime per
 soun âge. O vai têt passâ soun santificat et qu'ei lou pus sage
 dau qualregirme. Coumo lo prumeiro communion s'apralmo,
 lou cure li paûso quauquas questis :

— Pierre, dijo-me las bounas feitas de l'annado. Co n'ei pas
 malaisa.

— Plo, Moussur lou Cure. N'ien o quatre. Qu'ei d'abord lo
 Sen-Marli, quand nous tuen lou porc, après qu'ei lou Carnôvar,
 après qu'ei lo gerbo-baudo. Lo quatriemo ne tounbo pas toujours
 dins lo memo sasou : qu'ei quand nous batisen lou piti frai !

Vous penseis que lou paubre Pierre se faguet tirâ l'orelias.
 Perlant ô n'avio pas tout a fait tort, et qui pourrio lou blamá
 de prenei per no bouno feito lou jour ente un minjo lous pâlis ?

LUZERNO DE PLAÏ.

— Perque veseis-tu si be et si lonen, Jeantou ?
 — Qu'ei que mas lunettas venen de lo Meijou

GAUTHIER-LAVIGNE,
 OPTIQUE MEDICALE

13, rue Saint-Martial, LIMOGES

Succursales : 88, avenue Garibaldi et 35, rue du Clocher

Lou boun librêi !

3, place Fournier, LIMOGES
 Téléph. 27.52

LIBRAIRIE PALISSON

E. DESVILLES, Succ.
 Lou boun papiei !

No drollo que s'en vai en balado, bien maiado ei meta maridado. Drollas courez vite chaz

QUEYROI, 7, boulevard Louis-Blanc, 7
LIMOGES

per maia votre parapal.

Lou magasin ei toujours en brando de flour coumo un vargel au mei de Mai !

Gn'io pâ de pâ jentâ fennâ que là Limousinâ.
Mâ là soun là reinâ do mounde quand là pourten dô ornemen de

chaz **VALÉRY, Bijoutier, 45, rue du Clocher**

Dî quen mogosin, diriâ que lou soulei li lusi lo ne coumo lou jour.

Lou limero gâgnan

Li vio un brav' ôme qui pelovan Jantou, que voulio prenei un bille de lotorio ; mâ ô n'en voulio un de qui que gâgnovan e pâ dô autrei.

Qu'èrio diablomen maleisa, vou iô counprenei, de pâ se trounpâ. Veiqui coumo nôtre Jantou se li prengue :

Lou paubre vici, fô be iô dire, cresio beuco en là potô-fîa que vou racounten lou devinairei. O li cresio tâlomen qu'ô n'en perdio lo counprenôto.

Justomen, li vio no vieillo surcheiro, no devinoresso, coum' i disen di lou gran mounde, que restavo pâ bien loin de châ se. O ne lo trouba.

— Mâ qu'ei eisa iô sobei, li disse lo. Veiqui : Queto ne, vou va reibâ que vous vesei dô chiffrei ; foudro bien tenei counte de lour pôsici e vou n'orei mâ qu'a prenei lou limero qui foran tou ensemble.

Nôtre Jantou s'en tourne plo counten. O ne se coueijâ aveique de là pensadâ de miliounâri. Dî lo ne ô reibe qu'ô vesio dou nô (9) eicri chacun sur uno de là jautâ d'uno partido de so fenno qu'èrio tou-t-a fe lou countrâli de so figuro.

« Dou nô, se disse-t-eu, co fai quatre-vingt-douze-nô (99). »

E lou veiqui parti en canpagno per vei queu limero. A forço de charchâ ô lou troube, mâ ô li coûte char d'argen e de peno e d'enbeitiamen ; mâ ô lou vio, qu'èrio lou principau, e vivo lou grô lo.

Lou jour dô tirage, nôtre Jantou vesio tou-t-en rôso e bâtissio deija dô chateû en Espâgno.

Mâ vai te fâ foutre, co fugue lou limero nô cen nô (99) que gâgne, lou seu ne gâgne re.

Vôtrei pensâ si nôtre paubre coueinar erio en coulèro ; plo segur n'ôrio pa fougu li nâ pissâ sou lou nâ.

Tou-t-eimoli ô courgue châ lo surcheiro e se mete de l'ensurtâ que co n'en fumâvo.

Quant ô sigue en pau calma, lo li demande ce que l'i vio.

— Ce que l'i o, ce que l'i o, l'i o que vous sei no vieillo manteuso, no vieillo vouleuso, no re dô tou que m'o troumpa. Mâ tu iô poyorâ surcheiro de molur !

— Mâ, moun paubre, qu'ei a co ?

— Vou vio domanda quau limero foulio prenei per gagnâ

e vou m'a di que io reiborio a dô chiffrei que foudrio bien retenei e qu'i forian lou limero gâgnan.

— Ei be ?

— Ei be viquei dou nô (9) sur lou dorei de nôtre fenno, un de chaque coûta, iô pense que co fai quatre-vingt-douze-nô (99) ; qu'ei lou limero qu'ai prengu e qu'ei lou nô cen nô (99) qu'o gâgna.

— Mâ bougre de toucirau, visâ bien : Un nô sur chacuno de là fessâ de vôtre fenno aveique un piti lunou ô miei, co fai be nô cen nô !

BARGOMIAU.

PER VENI VIEI

Dins lou tem, vous parle de mai de cinquante ans, lou par Beuse avio lo pus bravo vigno de Varnei, et ô n'en tiravo tous lous ans no vinteno de barricâs de queu boun vi blanc qu'eipinguetâvo dins lou verre, et que lous porcelainiers de Limogei — lous blôdas blanchâs — preferant au quite Bourdeu, per mour qu'o lour netiâvo mier lour gourjoreu.

Mogra qu'ô aimeisso lous ecus — coumo fan tous lous « cu-pouchu » — lou pai Beuse ne vendio pas tout soun vi. O n'en gardavo no bouno pervezi et lou goutâvo si suven que queu vi blanc li faguet veni soun nâ tant violet coumo lo raûbo de l'evêque. Eitabe is lou pelovan Mounseignour et co li fasio pas degreû. Qu'ero pertant un eiguenaû vu que jamais o n'avio vougu batisâ soun vi !

A forço de goûtâ o aguet n'attaquo, o n'aguet douas, et a lo troisiéimo tout lou mounde disseren : « Queto ve, co liei, o ei netia ! ».

Is neren charchâ lou medeci que venguet vite... lou lendemo. En riban, ô troubet soun home, siclia dovan so tablo, soun eicunlâdo de soupo brejauo cluchado de chôs et de robâs et so tarcheiro de vi blanc.

O li credet :

— T'ai be pertant prou dit que qu'ei toum vi blanc que l'empechoro de veni viei !

— Moun armô, faguet Beuse, ai be quand mêmo trapa mous seissant-dies ans !

— Dijo que qu'ei me que sais no luro, dissei lou medeci. Mas ecouto-me. Si tu n'en avias pas tant begu, tu poueis me creure, t'aurias deipei lountem passa tous quatre-vingt ans !

JAUBOURI.

Nio pus monyen de serti sei paraplu. N'en fô toujours un et salido per mour que lou ven lou devirorios. Naa chaz

F. GARNIER, successeur de PEJOUT

8, rue Haute-Vienne,

à Limoges, v'autreis sirez bien servi.

O ven aussi de las cannas mai de l'ombrelas per l'eiti.



Marque Déposée

Peichadours ! Veiqui lo saison ente fai boun se divertî au bord dans ris.

N'oblides de nâ fâ un tour chaz Colox ente v'autreis troubarez tout ce que faut per rempli vôtre bonato de braveis peissous.

COLOX, rue Adrien-Dubouché.

Pour vous, Mesdames, poissons rouges, aquariums, bibelots.

Tu seïs fier coumo un petorabo Jantissou !
 Tu preneis tous habits de noço per nâ à lo feïro ?
 Tu te troumpas moun paubre Lionard... qu'ei daus habits
 de tous lous jours

Chaz DONY

en d'un viro mo un fai un moussur d'un touerau coumo
 me.

A. DONY

VETEMENTS POUR HOMMES, DAMES, ENFANTS

2, 4, 6, rue des Halles, 2, 4, 6, Limoges

Maison la plus ancienne qui ne doit son succès qu'à sa fidèle
 clientèle. — Téléphone 42-84.

NOUVEAUTÉS, DRAPERIES, TISSUS, etc...

LECOMTE-CHAULET

Place des Bancs, 19-21, Limoges

Un m'o di, l'autre jour, que quello meïjou tenio deïpei
 cent-an. Beléu pâ tan. Mâ l'ei counegudo di tou lou poi...
 e pu loin denguero.

Eimandi voulio veire lou potrou. Guei de lo peno a
 possâ per nâ li parlâ. Li vio do mounde, dô mounde, diria
 qui baïllen tou per ra. De vrai, per loû leinâgeï, lâ nu-
 voutâ, lo sedo, degu ne fo li lâ coumo li. I chaten dô
 moudelou de besugnâ a boun pri e tournen vendre a piti
 benefice. Quei tou lou secre de lo meïjou.

Nâ li no ve, voû li tournoreï.

Un viei proverbe dit qu'a
 bravo teito tout va bien. Qu'ei
 beléu be vrai. Mâs lous chopens
 de chaz LEBUR fai mier que
 co : metter lous sur no vorro
 teito, lo pareï brâvo !

La Chapellerie

LEBUR

et

LEBUR

MODES

Rue Adrien-Dubouché
 Les mieux assortis de la Région

Las fennas aïmen plo las baguas, lous couliers et tout ce que
 brillo, las se trouben pus fieras... mâ nou aussi. Las troubaran
 tout ce que leur fo en l'adresso de que lo pito moutrô



Chaz SENAMAUD ET SŒUR,
 an po trouba dau porto mouudo
 ente sauteu las pessis, n'ou
 aussi de qui piti sars breuous
 qu'aïment tant la geintas fillas
 de notre Lemouzi.

SÉNAMAUD & SŒUR

26, Rue Montmailler - LIMOGES

Drolleis, per-esseï billas a lo
 modo et pas trop char, nâ
 trouba :

Jean BOISSOU, Tailleur
 7, place des Jacobins, 7

et presentâs v'autreis de lo part
 dau Galeton n. V'autreis sirez
 b'en reçabus.

Is disen que faut heure lo hïero en eiti quand fai
 chaud. Bouei co fai per lo hïero coumo per l'amour
 qu'ei toujours lo sasou !

Bevez quello de **Bertrand-Mapataud**
 qu'ei lo meïllour.

Les b'ères

BERTRAND-MAPATAUD

Route de Nexon, Limoges — Tél. 34-16

Deïpei que notre chambro ei tapissado en dau papier **Sanitex**,
 notre fenno qu'ei pertant si dermillouso se reveillo en chan-
 tant et n'oblido jamais de m'embrassa. Queu papier Sanitex,
 ple d'oseûs et de flours, ecliarsi lo chambro. O semblo toujours
 niô, permour qu'un po tou lavâ en dau sablou sans tou bina.

Courez n'en chatâ chaz **GRANY**, lou droguiste de lo place
 dans Carmeis. Votro fenno se reveilloro pus dabouro et faro
 de meïllour travail !

Nio pas d'errour qu'ei no fâ entendudo, per etre billa
 de boun goût et per toutes las sosous, nio mâ no meïjou,
 qu'es chaz

HENRI ESDERS

Rue Adrien-Dubouché, à Limoges

O vend boun et boun marchâ et n'ien n'o per toutes
 las boursas.

Is disen que tout ei char. Co n'ei gro vrai. V'autreis ver-
 rez qu'un po vei no bravo garnituro de chambro per pau
 d'argent, si v'autreis âs lo louno edeio de nâ fâ no visito à

L'Ameublement Général

UNION DES FABRICANTS

Limoges, Place de la Motte, Limoges

**Tout ce qui concerne
 L'AMEUBLEMENT**

Tous genres

Tous prix